



**JUNTA DEL VALLE DE AEZKOA
AEZKOAKO BATZARRE NAGUSIA**

31671 ARIBE (Navarra) • CIF: P3175000C

Tel: 948 76 43 75

jvaezkoa@infolocal.org

valledeaezkoa@gmail.com

www.aezkoa.org

BATZARREAREN AKTA 2021eko martxoaren 15a

Bertaratutakoak:

Batzarreburu jauna: Karlos Bueno Reka

Batzarrekideak: Galarza Larrayoz, Maria Carmen – Martínez Juango, Ainhoa – Merino Iriarte, Juan Esteban – Reta Trevejo, Leire – Santomá Vicens, Gonzalo.

Zortzi herritar bertaratu dira: M Ancho, F. Cervantes, N. Ubau, R. Larrañeta, L de Miguel, J. Eseberri, V. Pau y F.J. Apat.

Ariben, 2021eko martxoaren 15ean, arratsaldeko zazpiak eta hogeita hamar minutuak zirela, Aetzen Batzarre orokorra egin zen, legez deituta, Aezkoako Batzarre Nagusiko presidente titularrak zuzenduta eta goian adierazitakoak bertan zirela, eguneko honako gai hauek aztertzeko:

1.- ADMINISTRAZIO ELEKTRONIKOAREN ERABILERA ARAUTZEN DUEN ORDENANTZAREN PROPOSAMENA.

Bertaratutakoei jakinarazi zaie Aezkoako Batzarre Nagusiak, egoitza elektronikoa sortu eta sistema informatikoa arian-arian egokitu ondoren, administrazio elektronikoa martxan jarri duela. Ordenantza arautzailearen helburua herritar guztiek Aezkoako Batzarre Nagusiarekin bitarteko elektronikoen bidez duten harremana bermatzea da. Harreman sistema hori abiaraztea eragin duen esparru juridikoa azken urteetan eman da, eta hasiera batean aurreikusita zegoen administrazio guztietan 2018ko urrirako erabat egokitua eta martxan jarrita edukitzea, eta, ondoren, epe hori luzatu egin zen, programak operatibo egon ahal izateko. Egungo araudiari jarraikiz, beharrezkoa da ordenantza bat onartzea, Batzarre Nagusi honen esparruan administrazio elektronikoen erabilera arautzeko, erregulazio berriari jasotakoetan oinarrituta. Marko berri hori aurrerapauso bat da benetako Administrazio Elektronikoa ezartzeko, eskuragarria, erraza, erabilgarria, eroso, arina, segurua, konfidentziala eta ingurune teknologiko berrietarako egokia izan behar duena, batez ere.

Hori oinarri hartuta, beharrezko diren elementu eta zerbitzu guztiak gaitu behar dira, herritarrei aukera emanen dietenak Batzarre Nagusi honekin harreman osoa izateko bide elektronikoz, behin administrazio-prozedurak bide telematikoz sartzen direnean eta Administrazio Publikoen Administrazio Prozedura Erkidearen urriaren 1eko 39/2015 Legeak aitortutako eskubideak baliatzen direnean. Horren ondorioz, Ordenantzak hiru helburu nagusi ditu:

1. – Aezkoako Batzarre Nagusiaren esparruan administrazio elektronikoa garatzeko beharrezkoak diren printzipio orokorrak zehaztea, arlo hori arautzen duen estatuko eta autonomia erkidegoko legerian xedatutakoarekin bat etorriz.

2. – Herritarren eta administrazio honen artean bitarteko elektronikoen bidez ezarritako harremanak arautzen dituzten eskubideak eta betebeharrak ezartzea.

3 – Administrazio jardueraren esparruan eta, bereziki, administrazio prozedurak izapidetzean, baliabide elektronikoak erabiltzearen baldintzak eta ondorioak arautzea.

Batzarre Nagusiak aurkeztu duen ordenantza eredu a toki-erakunde guztiak onartzen ari direnaren antzekoa da; izan ere, hain ezaugarri teknikoak dituen ordenantza baten idazketa ezinen zen egin Nafarroako Gobernuaren kanpo-aholkularitzarik gabe, eta, beraz, ez da beste administrazio batzuetan gaia arautzen duten gainerako araudietatik ezberdina. Ordenantza eredu hau herritarren eskura jarri da web orrian eta deialdian bulegoetan kopiak eskatzeko aukeraren berri eman zen.

Azalpena amaitu ondoren, presidenteak Aezkoako Batzarre Nagusiko Administrazio Elektronikoaren erabileraren Ordenantzaren testua onartzeko bozketa egin da, eta bertaratutakoek aho batez onetsi dute.

2.- 2021EKO AURREKONTUA ETA 2020KO KONTUEN EXEKUZIOAREN BEHIN-BEHINEKO TXOSTENA.

Hasieran, 2020ko jardunaldiari dagozkion kontuen behin-behineko likidazioa aurkeztu da, eta ohartarazi da ez direla itxi, datu guztiak berriz aztertzea falta baita. Hala ere, Toki Administrazioarekin berrikusi dira eskuz sartu beharreko itxiera-datuak, hala nola finantzaketa-desbideratzeak, diru-bilketa zaileko eskubideak eta atxikitako baliabideen eta diruzaintzaren soberakinak. Oraingoz, kontuen likidazioa ere ez da aurkeztu Batzarre Nagusiaren Osoko Bilkuran, behin-behineko betearazpena baino ez.

Aurreko ekitaldian, Batzarre Nagusiak jaso dituen baino baliabide gehiago gastatu ditu; beraz, emaitza ekonomikoa negatiboa izan da. Bestalde, jakinarazi da emaitza doitzeko zein neurri izan diren, bai eta atal bakoitzean zergatik adierazten diren ere, bereziki POCTEFA proiektuaren diru-laguntzari dagokion finantzaketa-desbiderapena; izan ere, orain izapidetzen ari den azken ziurtagiriak 2019ko abuztutik 2020ko abenduaren 31ra arte gastatutako zenbatekoak biltzen ditu.

2020an gastatu diren zenbatekoei dagokienez, POCTEFA proiektukoak dira, hain zuzen ere, esanguratsuenak; izan ere, 2020an erabat amaitu zen, ekainetik abenduaren 31ra bitarteko luzapena izanda. Inbertsio gehienak azken ekitaldira arte atzeratu dira, eta, beraz, gastatutako zenbatekoa urte guztietako handiena izan da. Batzarrean 2020ko aurrekontuari buruz zehaztutakoaren arabera, 2019tik 2020ra bitarteko kredituak sartu ziren bi urteei zegozkien eta azken urtean gauzatu diren inbertsio guztiei aurre egiteko. Gehikuntza likidazioan ageri da, eta 84.576,49 eurokoa da. Kontuei buruzko informazioa eman denean azaldu den moduan, urtearen amaieran proiektuaren urteko finantzaketaren desbiderapena 157.570,97 €-koa da (diru-laguntzaren zenbatekoa ekitaldian egindako jarduerari dagokie), eta finantzazio metatuaren desbiderapena 163.054,42 €-koa, azken ziurtagiriko jarduketari dagokiena (2019ko abuztutik 2020ko abendura). Urteko desbiderapena ekitaldiko emaitzari gehitzen zaio, eta emaitza negatiboa murrizten da. Banakatu egin dira Nafarroako Gobernuak proiektu honetarako (inbertsio-jarduera jakin batzuen, urriaren 1era arte egindakoen eta jarduera turistiko jakin batzuen % 25) eta ohiko jardueretarako emandako diru-laguntzak. Era berean, Aezkoako ondare materialaren eta ez-materialaren balioa nabarmentzeko LGPari aurkeztutako proiektua laburbiltzen da. 2019an hasi zen, eta 2020an amaitu. Ekitaldi honetan, guztira, 59.625,00 € ordaindu dira, eta aurreikusitako LGP funtsen diru-laguntza osoa kobratu da: 50.000,00 €.

Murrizketa nabarmena izan duten diru-sarrereren kopuruak, lehenik eta behin, baso-aprobetxamenduarekin lotutakoak dira; izan ere, urtean zehar ez da loterik saldu, 2020ko abendura arte. Hilabete hori lehenengoa saldu zen, baina ez da urtean egotzi, fidantza hurrengo urteko urtarrilera arte ez delako sartu. Hil horretan saldu ditu Batzarre Nagusiak, gainera, 2020ko Urteko Aprobetxamendu Planean adierazitako beste bi loteak, 2021erako aurreikusitako pinu sorta bat barne. Beraz, ekitaldi honetako planak lote bakarra du, eta hura zehaztea eta onartzea falta da.

Era berean, behera egin du saldutako produktu naturalen tiketeen kopurua baita Iratira sartzeko txartelena ere, joan-etorriei buruz hartutako murrizketak direla eta. Horren ondorioz, oilagorrek ehizatzeke txartelen salmentari zegozkion zenbatekoen zati bat itzuli behar izan da, denboraldia hasi bezain laster itxitura perimetrala aplikatu zelako, eta esleipendun batzuk Nafarroatik kanpokoak zirelako; bik soilik eskatu zuten txartelaren zenbatekoa itzultzea, eta gainerakoek ez.

Langileen gastuei dagokienez, Iratin aurreikusitakoa baino beranduago hasi ziren kontratazioak egiten, eta abuztuko azken hamabostaldian baino ez ziren indartu. Ordu-tegiak doitu egin ziren, eta informazio-gunea 18:00etan itxi da zerbitzu denbora osoan, aurreko urteetan 20:00ak arte irekita egon arren. Neurri horiek Zaraitzuko Batzordearekin adostu ziren. Orbaizetako Udalarekin ere bilerak egin ziren edukiera eta aparkalekuak mugatzeko, eta kanpatzeko eremua itxita egon zen. Aribeko Turismo Bulegoa hasieran aurreikusitakoa baino beranduago ireki zen, arrazoi berberengatik. Langile guztiei eta bisitariei segurtasun-neurriak emateko behar diren gastuak handiak izan dira.

Langileen gastuekin jarraituz, 2020ko aurrekontuetan sartu zen kopururik esanguratsuen gradu bakoitzerako gutxieneko zerbitzu denbora bete zuten administrazio langile guztiei gradu-osagarria ordaintzea izan zen, EBJAk emandako epai bat betez Nafarroako Gobernuak onartutakoari jarraikiz, eta 4 urteko atzeraeraginezko ondorioekin. Iaz jakinarazi zen bezala, Batzarre Nagusiak hiru langile zituen egoera horretan, eta aurrekontuan ezarri zen osagarri horri dagozkion zenbateko osoa gehi gizarte-segurantzako kotizazioak. 2020an, langile guztien zenbateko osoaren % 20 ordaindu zen, eta gainerakoak ordaintzeke geratu ziren. Aurten, Agoizko Udalak osorik ordaindu duenez euskara-teknikariaren osagarriari dagokion zatia, berriro sartu da aurrekontuan zenbateko hori, eta bestea Batzarre Nagusiaren egoera ekonomikoaren kontura geratu da, eta, ahal izanez gero, aurrekontuen aldaketa izapidetu da, ordaintzeko.

Nafarroako Gobernuak Pirinioetako Planari lotutako proiektuetarako deitutako diru-laguntzen kontura – Proiektu estrategikoak – Egindako proiektuen berri eman da. Erlan-Paraisos ibilbideen proiektua egin zen, Batzarre Nagusiak banaka sustatua eta % 80ko diru-laguntza izan duena, eta autokarabanentzako zerbitzu-arloaren proiektua, Orbaizetako Udalarekin batera sustatua, eta % 100eko diru-laguntzarekin.

Nahitaez berrinbertitu beharreko kopuruen garapena azaldu da (ehiza-barrutiko diru-sarrerengatik eta baso-aprobetxamenduengatik), bai eta atxikitako baliabide gisa benetan egindako edo egiteke dagoen berrinbertsioarena ere.

Gainerako partidak berrikusi eta azaldu dira, bertaratutakoek egiten dituzten galdera batzuei erantzuteko, eta adierazi da kontuak, Osoko Bilkurak hasierako onespina eman ondoren, jendaurrean jarriko direla, webgunean eta bulegoetan azter daitezela.

Honako hau da 2020ko laburpena:

Kap	Izendapena	Aurrikuspena	Aitortutako betebeharrak	%
1	Langile gastuak	355.265,00	253.085,94	71.24
2	Gastu arruntak eta zerbitzuak	231.400,00	143.162,02	61.87
3	Finantza gastuak	0,00	0,00	0,00
4	Transferentzi arruntak	45.200,00	31.249,77	69.14
6	Inbertsio errealak	299.801,49**	298.443,96	99,55
7	Kapital transferentziak	0,00	0,00	0,00
8	Finantza aktiboak	0,00	0,00	0,00
9	Finantza pasiboak	0,00	0,00	0,00
GUZTIRA		931.666,49	725.941,69	77.92

****barne dago 2020.eko aurrekontura sartutako 2019.eko kreditua**

Diru-sarrenen kapituluak

Kap	Izendapena	Aurrikuspena	Aitortutako eskubideak	%
1	Zerga zuzenak	0,00	0,00	0,00
2	Zeharkako zergak	0,00	0,00	0,00
3	Tasak, prezio publikoak eta beste diru-sarrerera batzuk	96.800,00	59.886,87	61.87
4	Transferentzia arruntak	192.500,00	173.989,38	90.38
5	Ondarea/komunalaren aprobetxamenduagatiko diru-sarrerak	406.790,00	114.123,25	28.05
6	Inbertsio errealen salmenta	0,00	0,00	0,00
7	Transferentziak/beste kapital diru-sarrerak	151.000,00	102.617,79	67.96
8	Finantza aktiboak***	84.576,49	0,00	0,00
9	Finantza pasiboak	0,00	0,00	0,00
GUZTIRA		931.666,49	450.617,29	48.37

Diru-zaintzako laburpena:

Kobratzekoak		Ordaintzekoak	
Aurrekontu arrunta	354.153,52	Aurrekontu arrunta	667.185,77
Itxitako aurrekontuak	239.629,53	Itxitako aurrekontuak	5.632,66
Itxitako aurrekontuen diru-sarrerak	5.858,66	Itxitako aurrekontuen gastuak	44.570,31
Barne mugimenduak	77.628,65	Barne mugimenduak	77.628,65
KOBARTZKOAK, GUZTIRA	677.270,36	ORDAINTZKOAK, GUZTIRA	795.017,39
Hasierako gerakinak	217.968,81	Bukaerako gerakinak	100.221,78

Ekitaldiko aurrekontu-emaizta doitu, negatiboa, -37.483,19 izan da, aurreko ekitaldiko 56.253,46 euroen aldean.

Diruzaintzako gerakinaren egoera honako hau da:

- Atxikitako finantzazioa duten gastuengatiko diruzaintzako gerakina: 0,00 €
- Atxikitako baliabideengatiko diruzaintzako gerakina: 33.696,86 €
- Gastu orokorretarako diruzaintzako gerakina: 102.840,03 €

Batzarreak ontzat eman du aurkeztutako kontuen behin-behineko likidazioa, eta 2021eko ekitaldirako aurrekontu-proiektuarekin jarraitu du.

Batzarre Nagusiak ohiko aurrekontuari gaineratutako gastu multzoa nagusia "Aezkoako Kultur Ola" Jauregiaren eraikina jendaurrean irekitzeko eta lanak amaitzeko izanen diren gastuekin lotuta dago. Urtearen amaieran eraikin horren funtzionamendu orokorraren estimazioa egin nahi da. Jarduera guztiei kode bera egokitu zaie, 33391; eta sailkapen ekonomikoa gastu-motaren arabera egin da. Jauregia urte honetan zehar irekitzea aurreikusita dagoenez, banakatu egin dira gauzatzeko dauden inbertsioak, aurreikusten diren espazioko funtzionamendu-gastu arruntak eta irekiko diren zerbitzuetarako langileak kontratatuzko gastuak. Urtearen amaieran, programa horren gastuen gauzatea bereziki berrikustea aurreikusten da, etorkizunera eramanez den kudeaketa-eredua zehazteko.

Irekiera horri lotutako gastuen zerranda berrikusi da, eta adierazi da aurten bertan behera utzi direla administrazioen aurrekontuak egiteari eta prestatzeari eragiten zioten arau ugari, eta exekuzio-oinarri berrietan arindu egin dela aurrekontuen kudeaketa, azkar izapidetzeko aldaketan bidez; beraz, kontuan hartuta zaila dela funtzionamendu-gastuak behar bezala aurreikustea lehen urtean, errazagoa izanen da kopuru horiek benetako beharretara egokitzea ekitaldian zehar. Presidente jaunak jakinarazi du, halaber, hasiera batean ekainean irekitzea aurreikusita zegoen irekiera atzeratu egingen dela, ziurrenik, turista gehien biltzen den unean ez irekitzeko. Espazioak data desberdinetan irekitzeko aukera ere proposatu da, alde batetik erakusketa eta bestetik taberna-jatetxea.

Gastuen aurrekontuan aurreko urteetakoekin alderatuta agertzen diren zenbateko nagusiei dagokienez, jauregiaren eraikina amaitzeko eta irekitzeko adierazitakoak alde batera utzita, honako hauek adierazi dira: soldatak eguneratu dira Nafarroako Gobernuak onartutako soldata-igoeraren arabera, eta, aurreko puntuan azaldu den moduan, Euskara teknikariaren gradu-osagarriaren atzerapenen ordainketa osorik sartu da, eta gainerakoa aurrekontu-aukeren arabera egin daitezkeen aldaketetarako geratu da. Irekita mantendu da kontu-lerro bat, "Askotariko beste gastu batzuk" izenekoak, berriaz zehaztu gabeko zenbatekoek aurre egin ahal izateko (15.000,00 €). Añamendi Mankomunitatera bideratutako zenbatekoak handitu egin dira; izan ere, badirudi aurten Nafarroako Gobernuaren finantzaketa txikiagoa izanen dela, irizpideak aldatu direlako. Urterako inbertsio-proiektu berriak gehitu dira: Erlan-Los Paraisos ibilbidea, autokarabanentzako zerbitzu-eremuaren proiektua, Jauregiko sukalde-taberna egokitzea eta eraikin berarentzako altzariak eta instalazioak erostea. Horrez gain, larreen planean eta baso-jarduketan proiektuan aurreikusitako 2021. urteko inbertsioei dagozkien zenbatekoak agertzen dira. Horren hasierako aurreikuspena 96.700,00 eurokoa da, eta Itolazko pistan harri-lubeta egiteko erabiliko da batez ere. Horri dagokionez, batzarreburuak jakinarazi du aurrekontuaren hasierako zirriborroari aldaketa batzuk egitea proposatu dela; zehazki, aplikazio honetan, aurten harri-lubeta ez litzatekeela gauzatu behar uste da, iaz egokitzen lan bat egin baitzen, oraingoz nahikoa izan daitekeena, eta zenbateko ekonomikoa oso handia da, aurrekontuko gainerako gastuak kontuan hartuta. Baso-lanen lerro hori aldatzea proposatzen du, eta 75.000,00 € esleitzea (eta, ondorioz, proiekturako diru-laguntzen diru-sarrerak murriztea) eta zenbateko hori bi kontzeptutan erabiltzea. Alde batetik, langabeen kontratazioa handitzeko (kontratuaren luzera 4 hilabetetik 6 hilabetera pasatzea), udal batzuek interesa baitute langile horiek gutxienez bi hilabetez edukitzeko. Kontratazio horien gastu-gehikuntza estaltzeko falta den zatia koadratu egingen da, eta hasieran aurreikusitako udalerrien ekarpena 3.000,00 € handituko da. Beste aldetik, Musika Eskolarekin eta ikasleen

gurasoen ordezkariekin hainbat bilera egin ondoren, Batzarre Nagusiak uste du 5.000,00 €-ko zuzkidura ekonomikoa sartu behar dela matrikulen kostua hein batean finantzatzeko. Jauregirako horniduren estimazioa, aurreikusitako irekieradatekin, oso zabala denez, 5.000,00 horiek aplikazio honetatik murriztu daitezkeela uste da.

Diru-sarrereren kapituluetan kontuan hartutako diru-laguntzei dagokienez, honakoak aurrakusi dira: jauregiko taberna-jatetxea egokitzeko eta altzariak erosteko 42.000,00 euroko diru-laguntza; Erlan-Paraisos ibilbideen proiekturako, % 100ekoa; eta autokarabanen zerbitzu-eremua egokitzeko LGPren diru-laguntza jaso daitezkeela kalkulatu da. Hala ere, momentuz, ezin da jakin diru-laguntza horiek guztiak eskuragarriak diren, zenbatekoak edo ehuneko zenbatekoak izanen diren; jasotzeko bete beharreko baldintzak zeintzuk izanen diren; ezta noiz aterako diren. Izan ere, baliteke diru-laguntza horietako batzuk Pirinioetako erakundeek jasoko lituzketen kopuruetatik etortzea. Azkenik, eta Toki Administrazioaren gomendioz, diru-sarrereren aurrekontuan sartu da POCTEFA proiektuaren finantzaketa-desbideratze metatuari dagokion zenbatekoaren zati bat, eta gainerakoa diruzaintzako gerakinean gelditu da

Aurrekontu-proiektua eta Batzarre Nagusiak planteatutako aldaketak berrikusi ondoren, hura onartzeko bozketa egin da, eta bertaratutakoek aho batez onartu dute.

Azkenik, batzarreburuak Batzarre Nagusiak eratu dituen batzordeen zerrenda irakurri eta haietan parte hartzeko gonbitea luzatu du.

Eta aztergai gehiagorik egon ez denez, bilera bukatutzat eman da goian adierazitako eguneko 22:00ak zirela. Errandakoa jasotzeko akta hau lauzatu da, eta, nik, idazkariak, egiaztatzen dut.